

一本堂行餘醫言

二

癥

✕


i 97

490.9
Ip-2
2

No. 2194
12 1997



富士川文庫
1370



一本堂行餘醫言卷之二

平安 香川修德太沖父著

癥

知陵切
音徵

癥即積

附

癖 痞

癥者謂腹裏塊物。可以手徵者也。即所謂積也。夫腹裏塊物之積以生也。固非一朝一夕之故也。日復一日。月復一月。年復一年。稍稍而累。漸漸而積。雖其初至微。而至積累之久。則可摸索。輒直徵知也。今詳論之。蓋癥之所結不在臟腑腸胃之內。而悉在臟腑腸胃之外。臟腑腸胃充實。腹

行餘醫言

癥

一

一本堂義書

內固無鍼眼之罅隙。雖其胃上胃下左右小腹無腸臟處亦皆一氣充實。如霧如煙。浮浮勃勃。溫溫煦煦。上出為大呼長聲之基。維持腸臟而舉之。亦未嘗有半點不到之地。夫自朝暮水穀入于胃中。蒸出精華純粹之氣為血為精。為津液。以百道運輸發達。營養滋潤周身。其往這所。其往那所。機發迅速。斡旋神巧。直從胃中活潑流行。唯賴一元氣之作用。不得不自然而然也。倘斯氣之纔微不充也。腸臟之間。始成罅隙。塗濁聚焉。此即是癥塊之根基也。而後

罅隙漸廣。塗濁隨積。隨滯隨增。漸累漸結。如米豆如彈丸。如胡桃如拳球。或圓或扁。或長或厚。隨其隙空。形狀不齊。柔韌如肉。堅牢如石。或在上。或在下。或左。或右。或浮見腹表。或沈著腹底。或痛或不痛。或止在一處。不少移易。或蠕動或衝突。或能食。或不能食。在鳩尾中脘及中道。而沈壓胃府者。妨食在左右臍下。及浮在腹面者。不妨食。或支兩脇上犯膈腋。或沈着腹底。排抑背脊。上下疼痛。遂乃脊骨突出。或左屈右折。或三四呂。五六呂。左傾右灣。或左右背

肉隆起。或左右臍肉低陷。或全背左歪右斜。或揭起動氣。或跳動如驚。或胸痛腹痛。或臍下無力。或覺腹中窄狹。或飽滿不思飲食。或覺飲食如滯在鳩尾以上。不下降。或急飢對食却不得喫。或大便結燥。或瀉或頭痛。成常患。或手倦。癩揮作。或足重。慵行步。或形體急情。情志不樂。或悒悒鬱鬱。無歡娛意。或惡寒發熱。或常常止覺似熱。或手心足心微熱。或逆上面熱。足常冷。及手足俱冷。夜卧不安。或上氣頭重。頭旋目暈。嘔吐痰涎。惡心嘈雜。噫氣吞酸。口苦。口

甘。口淡。食失味。飲食苦。口酸。吐酸水。口裏常水。出口乾咽。燥頻吐唾。飲食遲化。喫物頻傷肌膚瘦枯。似是證候。千狀萬態。不可悉舉。遂乃成翻胃。成膈噎。成勞瘵。成疝瘕。成喘哮。成驚悸。成欬嗽。成癩狂癰。成鼓脹。成水脹。成消渴。成疽生蟲。在婦人。成帶下。成不月。成乳巖。在妊中。為惡阻。在產後。縮乳汁。種種篤疾。多自此而馴致。亦不可言盡也。蓋既結癥塊。則腹裏之氣。不能快運。氣不快運。則不得不為鬱滯。氣既鬱滯。則諸患因而萌生。鬱滯之極。反為暴動。其

已鬱滯也。成空氣焉。成痰液焉。此癥塊之所以為鬱滯而為諸病證之根基也。

空氣者噫也。噦也。屁也。欠也。鼓脹也。腸鳴也。

痰液者痰也。酸苦清水涎唾也。瀉也。水脹也。帶下也。

暴動者欬嗽也。嘔吐也。喘哮也。噦也。

方今泰平百有餘歲。四海乂安。萬民豐饒。人人遊惰。過于飽暖。形耽逸樂。心多勞苦。抖擻精神於百年之蓄積。困擾患慮於一生之活計。加之貪婪于酒食。沈溺于房闈。元氣

何得不疲乎。奔命哉。氣已疲。則運輸自不得不遲緩。而滯結乃生焉。是故今時之人。不問貴賤貧富。莫不結癥與疝者。職此之由也。吾門諄諄專唱癥疝者。直驗今日之人而然也。須試摸索腹肚。可以見矣。譬如病傷風寒。有惡寒發熱。頭痛脊強。件件諸證者。亦或有癥疝之妨礙。不可特治傷風寒也。不啻傷風寒。諸病亦須每慮癥疝之妨礙。故癥疝之害。無所不至。但貧賤而役役乎拮据步走者。患之至少。間有之亦輕。富貴而汲汲乎飽暖急逸者。莫不患之。其間

無者百中之一二耳。靈樞始論積是則是矣。而猶稍過鑿也。

靈樞百病始生篇云：積之始生，至其已成，奈何？曰：積之始生，得寒乃生，厥乃成積也。曰：其成積奈何？曰：厥氣生，足惋，惋生脛寒，脛寒則血脉凝滯，血脉凝滯則寒氣上入於腸胃，入於腸胃則臍脹，臍脹則腸外之汁沫迫聚，不得散，日以成積。卒然多食飲，則腸滿，起居不節，用力過度，則絡脉傷，陽絡傷則血外溢，血外溢則衄血，陰絡

傷則血內溢，血內溢則後血，腸胃之絡傷則血溢於腸外，腸外有寒，汁沫與血相搏，則并合凝聚，不得散而積成矣。卒然外中於寒，若內傷於憂怒，則氣上逆，氣上逆則六輸不通，溫氣不行，凝血蘊裏而不散，津液瀦滲著而不去，而積皆成矣。又云：是故虛邪之中入也，始於皮膚，皮膚緩則腠理開，開則邪從毛髮入，留而不去，則傳舍於絡脉，留而不去，傳舍於經，留而不去，傳舍於輸，留而不去，傳舍於伏衝之脉，留而不去，傳舍於腸胃，留而

不去傳舍於腸胃之外募原之間留着於脉稽留而不
去息而成積

又五變篇云人之善病腸中積聚者何以候之曰皮膚
薄而不澤肉不堅而淖澤如此則腸胃惡惡則邪氣留
止積聚乃傷脾胃之間寒温不次邪氣稍至稽積留止
大聚乃起

素問舉痛論云寒氣客於小腸膜原之間絡血之中血
泣不得注於大經血氣積留不得行故宿昔而成積矣

又五臟生成論云赤脉之至也喘而堅診曰有積氣在

中時害於食名曰心痺得之外疾思慮而心虛故邪從

之白脉之至也喘而浮上虛下實驚有積氣在胃中喘

而虛名曰肺痺寒熱得之醉而使內也青脉之至也長

而左右彈有積氣在心下支胛名曰肝痺得之寒濕與

疝同法腰痛足清頭痛黃脉之至也大而虛有積氣在

腹中有厥氣名曰厥疝女子同法得之疾使四支汗出

當風黑脉之至也上堅而大有積氣在小腹與陰名曰

腎痺得之沐浴清水而卧

靈樞又云其着孫絡之脉而成積者其積往來上下臂

手孫絡之居也浮而緩不能句積而止之故往來移行

腸胃之閒水湊滲注灌濯濯有音有寒則腹脹滿雷引

故時切痛其着於陽明之經則挾臍而居飽食則益大

飢則益小其着於緩筋也似陽明之積飽食則痛飢則

安其着於腸胃之募原也痛而外連於緩筋飽食則安

飢則痛其着於伏衝之脉者揣之應手而動發手則熱

氣下於兩股如湯沃之狀其着於膂筋在腸後者飢則

積見飽則積不見按之不得其着於輸之脉者閉塞不

通津液不下孔竅乾癭百病始生篇

素問又云厥陰瀆則病少腹積氣少陰瀆則病積澀血

太陰瀆則病積心腹時滿陽明瀆則病積時善驚太陽

瀆則病積善時巔疾少陽瀆則病積時筋急目痛四時

刺逆從論○五常政大論云其動濡積并稿
長刺節論云病在小腹有積

又云寸口脉沈而橫曰脇下有積腹中有橫積痛平人

氣象論又云盛喘數絕者則病在中結而橫有積矣同上
 又云推而外之內而不外有心腹積也脉要精微論
 已上靈素所說不免懸空摸索強為之辭唯寒汁沫之
 論為可取耳其餘無益于治事姑記以備考證
 八十一難始說五臟積此為支離之首由是後世遂啓五
 積六聚目

八十一難云肝之積名曰肥氣在左脇下如覆杯有頭
 足久不愈令人發欬逆瘡瘻連歲不已○靈樞云肝脉

微急為肥氣在脇下若覆杯邪氣藏府病形篇

心之積名曰伏梁起齊上大如臂上至心下久不愈令

人病煩心○靈樞云心脉微緩為伏梁在心下上下行

時唾血邪氣藏府病形篇素問云病有少腹盛上下左

右皆有根此為何病可治不曰病名曰伏梁曰伏梁何

因而得之曰裏大膿血居腸胃之外不可治治之每切

按之致死曰何以然曰此下則因陰必下膿血上則迫

胃脘生高俠胃脘內癰此久病也難治居齊上為逆居

齊下為從勿動亟奪腹中論○按裏大膿血以下疑是他證答語錯入此處也

若以此文為是則此似以腸癰為伏梁尤可疑為因是注者却謂不獨以心積為伏梁也凡積有內伏而堅強者皆得名之文云人有身體脾股胛皆腫環齊而痛是

可謂昧惑矣又云人為何病曰病名伏梁此風根也其氣溢於大腸而着於

背育之原在齊下故環齊而痛也不可動之動之為水濁瀆之病腹中論又靈樞云手少陰之筋病內急心承

伏梁下為肘網其病當所過者支轉筋筋痛其成伏梁

唾血膿者死不治經筋篇○又見神農本草虎掌條

脾之積名曰痞氣在胃脘覆大如盤久不愈令人四肢不收發黃疸飲食不為肌膚

肺之積名曰息賁在右脇下覆大如杯久不已令人洒

浙寒熱喘欬發肺癰○靈樞云手太陰之筋病當所過

者支轉筋痛甚成息賁脇急吐血手心主之筋病當所

過者支轉筋前及脅痛息賁經筋篇又云肺脉滑甚為

息賁上氣邪氣臟府病形篇又出素問陰陽別論

腎之積名曰贲豚發於少腹上至心下若豚狀或上或

下無時久不已令人喘逆骨痿少氣○靈樞云腎脉微急為沈厥奔豚足不收不得前後邪氣藏府病形篇○傷寒論云發汗後其人臍下悸者欲作奔豚又云燒鍼令其汗鍼處被寒核起而赤者必發奔豚氣從少腹上衝心者灸其核上各一壯與桂枝加桂湯更加桂三兩金匱方論云師曰病有奔豚有吐膿有驚怖有火邪此四部病皆從驚發得之又曰奔豚病從少腹起上衝咽喉發作欲死復還止皆從驚恐得之又曰奔豚氣上衝胸腹痛

往來寒熱奔豚湯主之責豚又見神農本草獨活杏仁豚卵等條

又見名醫別錄蠅蝗桐木皮等條有名未用鹿良條

素靈言瘕而不言瘕其謂瘕者多是瘕也

如石瘕稱石瘕出靈樞水脹篇血瘕稱血瘕類是也出素問陰陽類論

瘕始見史記扁鵲傳云見五藏瘕結金匱方論連稱瘕瘕神農本草

多言及烏有二十餘條名醫別錄亦同其後又混稱而無別

如鼈瘕鼈瘕蟲瘕凡瘕肉瘕肉瘕之類病源候論已下皆然

蓋瘕即積積即瘕固同一而非有異又謂之瘕瘕即聚聚

即癥亦是同一而非有異。又謂之疝。又謂之疝。究竟癥癥。

即積聚之異名耳。遂有七癥。病源候論有七癥。八癥。見外臺證後謂之七癥。秘要所

引素女經有目。十二癥癥。出千金方。無目。中藏經有目。等目。又有疝癥。此亦癥。

癥積聚之變名也。但癥者自漢已稱之。又指嗜好病為癥。

癥。見金匱方論。又見神農本草名醫別錄肘後方等晉

代有王濟馬癖和嶠錢癖杜預左傳癖語。

疝者至晉末南北多稱之。其後連稱疝癖。疝亦癥聚耳。

外臺秘要所引廣濟方救急方延年秘錄等稱疝氣千

金翼方稱疝癖。廣濟方崔氏方。延年秘錄皆同。廣濟方必効方延年秘

錄等稱疝癖氣。

後世專指小兒積為癖。非必然也。通謂癥可也。

如乳癖閃癖類是也。唯字轉多。而醫流愈眩惑耳。

歷世漸久。命名益煩。殆至不可舉數。

息積。

素問云病脇下滿氣逆二三歲不已。是為何病。曰病名。

曰息積。此不妨於食。不可灸刺。積為導引服藥。藥不能

獨治也 奇病論

飲積

見素問 至真要大論

心腹積

同上 脉要精微論

積聚

見靈樞 上膈篇 八十一難云 病有積有聚 何以別之 然

積者陰氣也 聚者陽氣也 故陰沈而伏 陽浮而動 氣之

所積名曰積氣之所聚名曰聚故積者五藏所生聚者

六府所成也積者陰氣也其始發有常處其痛不離其

部上下有所終始左右有所窮處聚者陽氣也其始發

無根本上下無所留止其痛無常處謂之聚故以是別

知積聚也金匱方論云問曰病有積有聚有聲氣何謂

也師曰積者藏病也終不移聚者府病也發作有時展

轉痛移為可治聲氣者脇下痛按之則愈復發為聲氣

聲與穀同又出神農本草荻蘗條

癥瘕

始見金匱方論次出神農本草大黃苦參卷柏海藻白頭翁桃核仁葶藶禹餘糧莞花鳶尾紫葳龍骨陽起石龜甲等二十餘處又見名醫別錄

病源候論千金方已

下皆同病源候論云癥者聚結在內染漸生長塊段盤

牢不移動者是癥也言其形狀可徵驗也瘕假也謂虛

假可動也又云謂其有形假而推移也此舊解也而劉

完索引聖惠方者見原可謂粗也

癥

始見金匱方論次出神農本草中夏枯艸丹參蒺藜等條

瘕

見素問大奇論至真要大論

積

同上平人氣象論五常政大論至真要大論舉痛論長刺節論四時刺逆從論又靈樞百病始生篇

聚

出靈樞五色篇

癥結

行餘醫語

癥

十三

一本

出史記扁鵲傳又見大明本草蜀椒條

堅癥癥堅

堅癥見神農本草馬陸名醫別錄玄參癥堅見神農本

艸蜀漆麻黃牡丹甘遂曾青蜚蠊等條

暴癥

見名醫別錄薇街肘後方病源候論千金翼稱卒暴癥

蟲癥

見肘後方

癥癖

出千金翼方又見外臺祕要所引廣濟方崔氏方

積癥

見千金方

十二癥瘕

出千金方無名目○按中藏經癥有勞氣冷熱虛實風濕食藥思憂之十二名中藏經固偽書不足

信况其目亦甚可怪今只舉自以備考

宿癥

行余醫言

癥

十四

一本堂藏書

見外臺秘要所引集驗方

癥氣

同上集驗方刪繁方

癥塊

同上廣濟方

七癥

三因方以蛟龍蛇鼈肉髮蟲米為七癥

冷癥

見本艸綱目

陽起石條甄權云

○本艸綱目

鼈條作冷瘕

水癥

同上菟麻條

小兒癥瘕

見外臺秘要

鼈癥

出肘後方病源候論千金方及外臺秘要所引廣濟方
集驗方已下皆同○此謂癥狀猶按鼈背手到可輒徵

知耳非謂癥成全鼈形也。病源候論云鼈癥者謂腹內癥結如鼈之形狀是也。若其謂因食鼈肉而生此癥者大妄也。予視此證數人或

有自鳩尾生出漸長大及臍者或有自左右肋下生出

漸增長及中行者或有鳩尾與臍之間盤牢如撫鼈甲

上者皆死不治。巢元方曰昔曾有人共奴俱患鼈癥奴

在前死遂破其腹得一白鼈仍故活有人乘白馬來看

此鼈白馬遂尿隨落鼈上即縮頭及脚尋以馬尿灌之

即化為水其主曰吾將瘥矣即服之果如其言得瘥。病出

源候論其事奇怪不可信也且稱瘥者誤也。宋張杲曰景陳弟長子拱年七

歲時脇間忽生腫毒隱隱見皮裏一物頗肖鼈形微覺

動轉其掣痛不堪忽德興古城村有外醫曰洪豆腐見

之使買鮮蝦為羹以食咸疑以為瘡毒所忌之味醫竟

令食之下腹未久痛即止喜曰此真鼈癥也吾求其所

好以嘗試之爾乃合一藥如療脾胃者而碾附子末二

錢投之數服而消明年病復作但如前補治遂絕根本

類編○出醫說此亦可疑也既是腫毒則何謂之瘥乎

又且用平平藥消散者益可怪矣究竟妄談不可信也

姑記以備考。又古今醫統醫宗必讀並稱魚鼈積者謂食魚鼈生積也。與此鼈瘕異矣。○又名醫別錄粉錫病源候論及外臺祕要所引崔氏方皆稱鼈瘕者亦非也。

米瘕

病源候論云人有好啞米轉久彌嗜啞之若不得米則胸中清水出得米水便止米不消化遂生瘕結其人常思米不能飲食久則鼈醫說云乾德中江浙間有慎道恭者肌瘦如勞唯好食米闕之則口中清水出情似憂

思食米頓便如常眾醫不辨後遇蜀僧道廣處方以雞屎及白米各半合共炒為末以水一中盞調頓服良久病者吐出如米形遂差病源謂米瘕是也。○按此證小兒疳疾多有之即與好喫壁土搗炭手爪不異其謂吐出如米形者妄也。○三因方稱米瘕

食瘕

病源候論云有人卒大能食非其常分因飢值生蔥便大食之乃生一肉塊繞畔有口其病則難愈故謂食瘕

特由不幸致此妖異成癥非飲食生冷過度之疾也此亦間有之事非妖異也名醫類案引齊諧記隆安中郭坦室室志永徽中崔爽廣異記句容縣佐史酉陽雜俎和州劉錄事等事此皆奇怪不足信也縱使有之亦千萬人中之一二耳何可為常律哉又醫說稱食癥亦非也齊諧記云江夏安陸縣隆安中有人姓郭名坦得天行病後遂大善食一日消斗米家貧不能給行乞於市一日大飢不可忍人家後門有三畦菜因竊啗之盡兩畦便大悶極卧地須臾大吐吐一物如籠因出地漸小主人持飯出食之不復食因撮飯着所吐物之上即消成水此病尋差東坡物類相感志今考相感志無此

事又永徽中崔爽者每食生魚三斗乃足於後飢作繪未成恐飢不禁遂吐一物如蝦蟆自此不復食繪矣宣室志又句容縣佐史能啖鱸至數十斤恒食不能縣令聞其能啖乃出百斤史快食至盡因覺氣悶久之吐一物狀如麻鞋底令命洗出安鱸所鱸悉成水醫莫能名之令小吏持往揚州賣之冀有識者誠之若有買者但高舉其價看至幾錢有胡求買增價至三百貫文胡輒還之初無酬酢人謂胡曰是句容縣令家物問此是何物胡云是銷魚之精亦能銷腹中塊物人患者以一片如指端繩繫之置病所其塊即消我本國太子少患此病父求愈病者賞之千金君若見賣當獲太利令竟賣半與之廣異記又和州劉錄事者大曆中罷官居和州旁縣食兼數人尤能食鱸嘗言鱸味未嘗果腹邑客乃網魚數百斤會於野庭觀其下筵劉初食鱸數椽忽似小哽因殼出一骨珠子大如豆乃寘於茶甌中以椽覆之食未半怪覆甌椽傾側舉視之向骨珠子已長數寸

如人狀，座客共觀之，隨視而長，頃刻長及人，遂梓劉，因相殿流血，良久各散走，一循廳之西，一轉廳之左，俱及後門，相觸，翕成一，人乃劉也，神已癡矣，半日方能語，訪其所以，皆不省之，劉自是惡鱸，西陽雜俎。

髮癩

病源候論云，有人因食飲內，誤有頭髮，隨食而入，成癩，胸喉閉，如有蟲，上下來去者是也，千金方云，食中有髮，不覺因食而入，久即覺閉，如有蟲狀，上下去來，惟欲飲油，一日之中，乃至三二升，不欲飲食者，為髮癩，方以油一升，以香澤煎之，大鑊鑄貯之，安病人頭邊，令口鼻臨

油上，勿令得飲，傅鼻而令有香氣，當叫喚取飲，不得與之，必當疲極大睡，其髮癩當從口出，令一人專守視之，并備石灰一裹，見癩出，以灰粉手捉癩，抽出，及盡即是髮也，初從腹中出，形如不流水中濃菜，隨髮長短，形亦如之，外臺秘要所引廣濟方同，此亦雖差涉怪，而閒有

之事，其他亦同，醫說云，徐文伯字德秀，篤好醫術，宋明帝宮人患腰痛，牽心發，則氣絕，眾醫以

為肉癩，文伯視之，曰，此髮癩也，以油灌之，即吐物如髮，稍長，引之，長三尺，頭已成蛇，又能搖動，懸柱上，水漑盡，

唯餘一髮而已，遂愈，名醫錄，又唐書曰，甄權弟立言，善醫，時有尼明律年六十餘，患心腹膨脹，身體羸瘦，已經

二年立言診其脉曰腹內有蟲當是誤食髮為之耳因
 令服雄黃須臾吐一蛇如人手小指唯無眼燒之猶有
 髮氣其疾乃愈又儒門事親云沈丘王宰妻病脅膈不
 利口派涎沫自言咽下胃中常雷聲心間作微痛又復
 發昏胸乳之間灸癥如碁化痰利膈等藥服之三載病
 亦依然其家知戴人痰藥不損來求之一涌而出雪白
 蟲一條長五六寸有口鼻牙齒走於涎中病者忿而斷
 之中有白髮一莖此正與徐文伯所吐宮人髮癥一同
 蟲出立安又名醫類案云嘉靖中長洲鄒表妻患小腹
 下左生一塊形如梅李久之吐出始則腐潰若米糲之
 狀中則若蜆肉之狀以指撚開則有長髮
 數條在其內名醫竟不能治遂至不起

蟲癥

病源候論云人有多蟲而姓好醫之所醫既多府藏虛

弱不能消之不幸變化生癥而患者亦少俗云蟲癥凡蟲
 生長在腹內時有從下部出亦能斃人此亦可怪倘有
 之則腹內鬱蒸化生蟲也千金方廣濟方同又稱蟲癥
 三因方

血癥

見神農本草水蛭條及名醫別錄占斯條

大癥

見素問刺熱論

石癥

靈樞云石癥何如曰石癥生於胞中寒氣客於子門子門閉塞氣不得通惡血當寫不寫衄以留止日以益大狀如懷子月事不以時下皆生於女子可導而下水脹此謂生於胞中者血塊而非石癥也當臍下膀胱外面結硬塊者當謂之石癥予視十餘人皆死證也其證癥痛面及手足漸漸枯瘦

血癥

出素問陰陽類論文見神農本草桃毛名醫別錄玄參日華

氣婦條

蟲癥

見靈樞厥病篇

水癥

同上邪氣藏府又見甲乙經病形篇

瘧癥

出素問氣厥論瘧瘧與伏同 伏癥見名醫別錄茵陳蒿條

瘕聚

同上。骨空論此即疝也。不可為瘕積名。

蟻瘕

出史記倉公傳

遺積瘕

同上

固瘕

出傷寒論

乳瘕

見神農本草槐實條

蛇瘕

同上。白頸蛇。蚓條。

病源候論云人有食蛇不消因腹内生

蛇瘕也亦有蛇之精液誤入飲食內亦令病之其狀常

若飢而食則不下喉噎塞食至胸內即吐出其病在腹

摸揣亦有蛇狀謂蛇瘕也千金方稱蛇瘕外臺秘要所

引崔氏方亦稱蛇瘕又本草綱目蜈蚣條引衛生易簡

方稱蛇癥

醫說云隋有患者嘗飢而吞食則下至胃便即吐出醫作噎疾膈氣齟胃三候治之無驗

有老醫任度視之曰非此三疾蓋因食蛇肉不消而致斯病但揣心腹上有蛇形也病者曰素有風嘗求蛇肉食風稍愈復患此疾矣遂以芒硝大黃合而治之微泄利則愈醫皆記其驗而知蛇癥矣名醫錄

暴癥

見名醫別錄

虎林條

氣癥

見肘後方

產癥

出千金方

八癥

出外臺祕要引素女經一曰黃癥二曰青癥三曰燥癥

四曰血癥五曰脂癥六曰狐癥七曰蛇癥八曰鼈癥其

狀甚詳○病源候論同

斛二癥

醫說云續搜神記有人能飲茗至一斛二斗忽飲過量

數升吐出一物如牛肺以茗澆之容一斛二斗因名曰

于余醫言

癥

二十三

本草綱目

斛二瘕封演見聞錄○名醫類案云桓宣武有一督將因時行病後虛熱便能飲復茗必一斛二斗乃飽裁減升合便以為大不足後有客造之更進五升乃大吐一物出如升大有口形質縮絛狀似牛肚客乃令置之盆中以斛二斗複茗澆之此物斃之都盡而止覺小脹又增五升便悉混然從口中湧出既吐此物遂瘕或問之此何物荅曰此病名斛茗瘕續搜神記古今醫統茶飲茶癖醫宗必讀茶積等皆原于此

瘕結

見名醫別錄蜀椒條

鼈瘕食瘕

共見上

酒瘕

病源候論云人有性嗜酒飲酒既多而食穀常少積久漸瘦其病遂當患酒不得酒即吐多睡不復能食云是胃中有蟲使之然名為酒瘕也醫說云齊州士曹席進孺招所親張彬秀才為館客彬嗜酒每夜必寘數升於床隅一夕忘設焉夜半大渴求之不可得忿悶呼躁俄頃嘔吐一物于地旦起視之見床下塊肉如肝而黃上如蜂窠猶微動取酒沃之唧唧有聲始悟平生酒病根

本亟投諸火中後遂不飲丁此證閒有之子往羊登攝
 州摩耶山其麓客舍主人患之既過數月間子每療奇
 疾納頭拜地請診脉視之面手黃白枯瘦眼亦無精彩
 猶且日飲酒一升餘米麥絕不喫子意欲為縛柱術則
 羸疲之極不可畫策不久必成泉下之人乃悅以甘言
 而去後聞不幾而斃名醫類案云一人自幼好酒片時
 無酒叫呼不絕全不進食日漸羸
 瘦或執其手縛柱上將酒與看而不與飲即吐一物如
 猪肝入酒內其人自此遂惡酒又鎮陽有士人嗜酒日
 嘗數斗至午夜飲興一發則不可遏一夕大醉嘔出一
 物如舌視無痕竅至欲飲時眼徧其上蟲然而起家人

沃之以酒立盡至常日所飲之數而止遂投之猛火急
 爆烈為十數生士人由是惡酒○和劑局方稱酒癥酒
 癖酒積古今醫統醫宗必讀等稱
 酒積雖有小異而大槩皆本于此

穀癥

病源候論云人有能食而不大便初亦不覺為患久乃
 腹內成塊結推之可動故名為穀癥也此與前食癥大
 同而小異古今醫統食積米穀積醫宗必讀穀積亦然

肉癥

見外臺祕要千金方千金翼方外臺祕要及所引刪繁

方皆稱肉癥

古今醫統肉積五畜胎子積魚鼈積醫宗必讀蛋積狗肉積皆原于此

病源

候論云人有病常患肉得肉食訖又患之名為肉瘕也

醫說云異苑曰章安有人元嘉中噉鴨肉乃成瘕病胸滿面赤不得飲食醫令服秫米須臾煩悶吐鴨雛身

喙翅皆已成就唯左腳故綴昔所食肉病遂得瘕○又齊褚澄治李道念有冷痰五年澄曰汝病是食白淪雞

子過多取蕪一升令煮服之吐一物如升涎裹之乃是雞雛羽翅爪距皆見九十三頭而病愈見南史又李時

珍本艸綱目所引蘇頌稱雞瘕者即謂此也右上二條雖頗涉怪而姑記以廣異聞

魚瘕

病源候論云有人食生魚不消結成魚瘕揣之有形狀

如魚是也亦有飲陂湖之水誤有小魚入人腹便即生

長亦有形狀如魚也若其謂形如魚及魚入腹生長者

妄也古今醫統醫宗必讀稱魚鼈積醫林集要稱魚蟹積赤水玄珠稱魚積類大同小異皆原于此

老血瘕

見證類本艸奴柘條

寒瘕

見本艸綱目陽起石條

若瘕

行余醫言

瘕

二十六

本草通串

三因方云室女月經不通臍下堅結大如杯升發熱往來下利羸瘦此為血瘕若生肉瘕不可為也血瘕一作氣瘕此即

若瘕證也

瘕塊

出醫學綱目

癖瘕

見古今醫統

宿瘕

同上

雞瘕

見本艸綱目

血鼈酒鼈氣鼈

本艸綱目莖莖條引仁齋直指云平時嗜酒血入於酒則為酒鼈平時多氣血凝於氣則為氣鼈虛勞酒冷敗血雜痰則為血鼈搖頭掉尾如蟲之行上侵入咽下蝕人肛或附脇背或隱胸腹大則如鼈小或如錢○血鼈又見

行餘醫言

瘕

二十七

本堂藏書

古今醫鑑萬病甲卷。○醫學正傳云流結于腸胃之間而成積者曰血瘕血蠱

肉龜

見續醫說

大積

出素問六元正紀大論

橫積

同上平人氣象論

飲積

同上至真要大論

積飲

同上六元正氣大論

積氣

同上四時刺逆從論

新積

靈樞衛氣篇

濡積

于余醫言

癥

二十八

一林堂藏書

素問五常政大論

堅積

見神農本草中藥條

血積

同上蜚蠊蟻蟲沙參等條

積癖

出名醫別錄狼毒條

臍下積

見甲乙經又稱臍積

結積

見肘後方又出千金方

癥積

出千金方又見外臺祕要所引古今錄驗

肉積酒積氣積水積涎積食積

許叔微曰大抵治積或以所惡者攻之或以所喜者誘之則易愈如礞砂水銀治肉積神麩麥蘖治酒積水蛭

行余醫言

癥

二十九

一六

蟲蟲治血積木香檳榔治氣積牽牛甘遂治水積雄黃

膩粉治涎積礞石巴豆治食積各從其類也本事方

痰積癖積

張從政又增此二派為九積儒門事親

沈積

見本事方

精積

王好古湯液本艸云犯月水入房精與積血相射入于

任脉留于胞中古人謂之精積古人指何人又未見古書有此稱目尤可怪也

柑橘積

見丹溪心法附餘

熱積寒積

出仁齋直指

水飲積

見醫林集要

血水積

于余醫言

癥

三十

本草類書

見本州綱目。麥藥附方引婦人經驗方云產後青腫乃血水積也。

瘡積。

出醫宗必讀。

蟲積。

見赤水玄珠。

蛋積。狗肉積。

出醫宗必讀。古今醫統五畜胎子積魚鱉積醫林集要及赤水玄珠魚蟹積皆此類。

茶積。穀積。

同上。

果子積。

見本州綱目。胡黃連主治朱震亨云又赤水玄珠及醫林集要果菜積皆同。

糯米積。

同上。麩麩米麩主
治李時珍云。

五菜積。

見古今醫統醫宗必讀。菜積同。

粉麩積。

同上。醫宗必讀，麩積同。又赤水玄珠，索粉積，糝糕傷積，皆此類。洋機亦云，豆腐積，出本艸綱目，菜菔，主治。

九積。古今醫統，卷之八。

見上。

大聚。一曰李和經云。

出素問。六元正氣論，靈樞五變篇。

盛聚。本草及醫林要略，果米穀同。

出靈樞。厥病篇。

瘕聚。

見八十一難。

結聚。

見神農本草。巴豆及假蘇條。

氣聚。本草及神農本草。

同上。酸棗仁條。

六聚。本草要訣，心經，心經丸。

始出八十一難。次見金匱方論。而至連稱五積六聚。則

後世多言之。雖中藏經云聚有大腸小腸膽胃膀胱三

行餘醫言 瘕 三十二 本草綱目

焦之六名而其書偽撰固不足據故不取焉

癖

見外臺祕要所引必効方崔氏方

堅癖

出金匱方論又見神農本草礬石條

留癖

見神農本草莨花朴硝等條

痰癖

十一條

同上

巴豆條

又見名醫別錄

枳實蘭草檳榔食鹽等條

漏癖

頤癖

癖食

並出脉經又見病源候論

久癖

同上又見病源候論千金方及外臺祕要所引古今錄

驗集驗方

行余醫言

癥

三十三

本草綱目

癖結

冷癰

熱癰

並出肘後方癖結又見病源候論及外臺祕要所引廣

濟方救急方冷癰又見名醫別錄石硫黃條又稱小兒冷癰

見外臺祕要所引劉氏方

癖氣

出名醫別錄雄黃條又見千金方外臺祕要所引必效方

癖飲

同上桑耳條又見外臺祕要所引崔氏方

懸癖

酒癖

飲癖

並見病源候論

水癖

同上又見千金方

于余醫言

癰

三十四

本草綱目

疝癖上文見千金方

出千金翼方又見外臺祕要所引廣濟方崔氏方延年
祕錄後稱疝癖皆原于此

疝癖氣

同上廣濟方延年祕錄必効方

寒癖

同上深師方又見脉經及病源候論

閃癖

宿癖古今類聚

同上並見崔氏方又本草綱目胡瓜及鸛
條陳藏器云小兒閃癖

塊癖醫學啟蒙

見儒門事親○七種癖塊出和劑局方無目

血癖

老癖

脾癖

奶癖

行餘醫言

癥

三十五

一本堂藏書

小兒乳癖

小兒氣癖

並見本艸綱目 血癖脾癖並見大黃條老癖見蛤蜊肉
主治掌禹錫云又見證類本艸荆三稜

條奶癖見鷹條小兒乳癖見白芥子條引本
艸權度小兒氣癖見荆三稜條引子母祕錄

驚癖

見醫學綱目

水飲癖

出古今醫統

疝氣

出外臺祕要所引廣濟方救急方延年祕錄等

冷疝

見和劑局方

氣塊

見本艸綱目鯉魚條陳藏器云冷氣疝氣塊橫關伏
梁結在心腹按氣不可謂塊誤也

涎塊

出醫林集要

行餘醫言 癥

三十六 一本堂藏書

瘡母

金匱方論云病瘡以月一日發當以十五日愈設不差
 當月盡解如其不差當云何師曰此結為癰瘡名曰瘡
 母急治之空輦甲煎丸此謂瘡母即癰之名也瘡自此
 癰生出故謂之瘡母蓋瘡人雖曾有癰在腹裏未可見
 知今也瘡久不差漸瘦肉脫腹亦瘦減始現塊物可手
 到輒徵知也甚者塊物墳起如饅頭高於腹面不須摸
 索目視之可直見後世謂由瘡生此積者大非也若然

則可謂之瘡子而不可謂瘡母矣其昧於字也如是哉
赤水玄珠云瘡母又名肥氣非也

蛟龍病

病源候論云蛟龍病者云三月八月蛟龍子生在芥菜
 上人食芥菜不幸隨食入人腹變成蛟龍其病之狀發

則如癩三因方謂此為龍瘕此謂癩癩而生蟲耳非實有是事也徒錄浮世怪談

也○按名醫類案云昔有患者飲食如故發則如癩面
 色青黃小腹脹滿狀如妊孕醫診其脈與證皆異而難
 明主療忽有一山叟曰聞開皇六年灞橋有患此病蓋
 因三月八月邊水食芥菜得之有識者曰此蛟龍病也

為龍游於芥菜之上，不幸食之而病也。遂以寒食餉，每劑五合，服之數劑，吐出一物，形雖小而狀似蛟龍，且有兩頭，獲愈。又云，有黃門奉使交廣，回周顧謂曰：此人腹中有蛟龍，上驚問黃門曰：卿有疾否？曰：臣馳馬大庾嶺，時大熟，困且渴，遂飲水，覺腹中堅痞，如石。周遂消石及雄黃煮服之，立吐一物，長數寸，大如指，鱗甲具，投之水中，俄頃長數尺，復以苦酒沃之，如故，以器覆之，明日已生一龍矣。上甚為之驚詠。明皇雜錄：此亦變怪，固不可信。又病源候論：舉腹內有人聲，候後世謂之應聲蟲。又本艸綱目：白僵蠶條引普濟方：有腹內龜病，又有酒蠶氣，蠶血蠶，此皆僻名，或可入諸蟲門乎。

積魚。蠟積。魚積。五畜胎子積。麩積。豆腐積。苳粉積。索粉積。蛇癥。肉癥。酒癥。米癥。髮癥。蟲癥。斛茗癥。米穀積。米積。魚蠶

糍糕傷積

已上皆見上

痞

出傷寒論

痞堅

痞逆

痞飲

並見素問六元正紀大論

行余醫言 癥

三十八 本草

氣痞

心下痞

並見傷寒論

堅痞

痞結

並出神農本草堅痞見蜚蠊條又見名醫別錄半夏條痞結見乾漆條又見名醫別錄馬陸條

久痞

出千金方

八痞

見千金翼方無名又外臺祕要所引崔氏方稱八種痞

塞和劑局方已下皆同

三痞

見中藏經云上痞中痞下痞甚鑿說也

噎痞

肺痞

並見和劑局方

行會醫言

癥

悶痞

見本艸綱目 奴柘條

痰痞

同上 諸木條 陳藏器曰

寒痞

濕痞

燥痞

並見醫學綱目

痞塞

膈痞

並見證治要訣

熱痞

見本艸綱目 葛根條引 開寶本艸

水痞

同上 澤蔞條 〇木 條引王好古

痞塊

予余醫言

癥

四十

一本堂藏書

見古今醫統

結氣

見本艸綱目葶藶條又
雲實條

氣妨

同上候莎條○右此二條
即痞也故附于此

否

出素問五常政大論其病
否諸說皆以為痞

八否

出病源候論云否者塞也言府藏否塞不宣通也由憂

恚氣積或墜墮內損所致其病腹內氣結脹滿時時壯

熱是也其名有八故云八否而方家不的顯其證狀范

汪所錄華佗太一決疑雙丸方云治八否五疝亦不說

八否之名也

五否六否

同上

否塞

行餘醫言

癥

四十一

一林堂藏書

否痛

否滿

否腫

否膈堅否

並同上

否塞否痛見五常政大論否滿否腫見至真要大論否膈堅否見六元正紀大論

痞氣

出八十一難

實痞虛痞

見丹溪纂要

已上濫名不堪其煩今詳辨別折衷諸說夫積為陰為藏病聚為陽為府病肇于秦越人而張仲景亦從之爾求至後世咸奉為定說自吾門觀之則未可也陰陽醫家之故態固不須論焉如以積聚配當藏府甚背道理不容不辨也蓋積者鬱滯之極漸累以至堆積也即癥是也謂結塊堅牢盤坐不移手到可直徵知也又謂之癖聚者忽聚忽散有無不定發止無常也即疝是也又謂之癥又謂之疝

唯痞較有小異。蓋痞者謂上自胃中下至中脘氣滯而不散凝結為團。似如有物。按之雖硬。而其實則空。而唯凝氣而已矣。故仲景云氣痞是也。古今獨仲景詳言其狀。傷寒論云傷寒五六日嘔而發熱者。此胡湯證。具而以他藥下之。此胡證仍在者。復與此胡湯。此雖已下之。不為逆。必蒸蒸而振。却發熱汗出而解。若心下滿而鞭痛者。此為結胸也。但滿而不痛者。此為痞。又云病發於陽而反下之。熱入因為結胸。病發於陰而反下之。因作痞。

所以成結胸者。以下之太早故也。又云脉浮而緊而復下之。緊反入裏則作痞。按之自濡。但氣痞耳。又云太陽病醫發汗遂發熱惡寒。因復下之。心下痞。表裏俱虛。陰陽氣並竭。又云心下痞按之濡。其脉關上浮者。大黃黃連瀉心湯主之。又云心下痞而復惡寒汗出者。附子瀉心湯主之。又云本以下之。故心下痞與瀉心湯痞不解。其人渴而口燥煩。小便不利者。五苓散主之。又云傷寒汗出解之後。胃中不和。心下痞鞭乾噫食臭。脇下有水。

氣腹中雷鳴下利者生薑瀉心湯主之。又云傷寒中風醫反下之其人下利日數十行穀不化腹中雷鳴心下痞鞭而滿乾嘔心煩不得安醫見心下痞謂病不盡復下之其痞益甚此非結熱但以胃中虛客氣上逆故使鞭也。又云傷寒服湯藥下利不止心下痞鞭服瀉心湯已復以他藥下之利不止醫以理中與之利益甚理中者理中焦此利在下焦赤石脂禹餘糧湯主之。復利不止者當利其小便。又云傷寒吐下後發汗虛煩脈甚微

成季中作下

八九日心下痞鞭脇下痛氣上衝咽喉眩暈經脈動惕者久而成痿。又云傷寒發汗若吐若下解後心下痞鞭噫氣不除者旋復代赭石湯主之。又云太陽病外證未除而數下之遂協熱而利利下不止心下痞鞭表裏不解者桂枝人參湯主之。又云傷寒大下後復發汗心下痞惡寒者表未解也不可攻痞當先解表表解乃可攻。痞又云傷寒發熱汗出不解心中痞鞭嘔吐而下利者大芤胡湯主之。又云病脇下素有痞連在臍傍痛引少

腹入陰筋者此名藏結。又云太陽中風下利嘔逆表解者乃可攻之。其人熱熱汗出發作有時頭痛心下痞鞭滿引脇下痛乾嘔短氣汗出不惡寒者此表解裏未和也。又云太陽與少陽併病頭項強痛或眩冒時如結胸心下痞鞭者當刺大椎第一間肺俞肝俞慎不可發汗。其他如心下支結與鞭與滿證狀非一須就本論參考。又金匱方論有心中痞究竟結胸胸痹亦此類耳。普考徃昔積聚癥瘕疝痞瘰癧混稱不一。如石癥稱石瘕。

出靈樞水脹篇血癥稱血瘕。出素問陰陽類論又見神農本草名醫別錄等及稱蟲瘕。山

樞厥病篇蛇瘕。見神農本草髮瘕。出南史鼈瘕米瘕。見千金類皆同或

稱積氣。見積氣即疝也聚也瘕也初雖因氣而積而及既

成塊物則可謂之瘕。何得稱積氣哉。後世稱瘕氣。出名醫別錄

瘕氣。見外臺秘要氣癖。出子母氣塊見本州綱目所氣積出本

類皆同。古今論積聚瘕瘕者不一。如朱震亨謂氣不能

成塊成聚塊乃有形之物則尚可聞矣。其分左右痰血者

妄也。

丹溪心法附餘云痞塊在中為痰飲在右為食積在左為血塊氣不能成塊成聚塊乃有形之物也痰與食積死血而成

如陳言謂龍蛇魚鼈等事皆出偶然但飲食間誤中之留聚腹臟假血而成自有活性則尚可聞矣其以癥瘕屬肝部積聚屬肺部七者火數屬心八者木數屬肝等說亦益虛妄也

三因方云癥瘕積聚隨氣血以分門故方云以癥瘕屬

肝部積聚屬肺部不亦明矣况七者火數屬心蓋血生於心八者木數屬肝蓋血歸於肝雖曰強分理似不混夫癥者堅也堅則難破瘕者假也假物成形然七癥八瘕之名經論亦不詳出雖有蛟龍蛇鼈肉髮蟲米等七證初非定名偶因食物相感而致患耳若婦人七癥八瘕則由內外不內外因動傷五臟氣血而成古人將婦人病為痼疾以蛟龍等為生瘕然亦不必如此執泥婦人癥瘕並屬血病龍蛇魚鼈等事皆出偶然但飲食間

誤中之留聚腹臟假血而成自有活性亦猶永徽中僧
病噎者腹有一物其狀如魚即生瘕也與夫宿血停凝
結為胚塊雖內外所感之不同治法當以類相從所謂
醫者意也如以敗梳治蠱瘕銅屑治龍瘕麩藥治米瘕
石灰治髮瘕如此等類方論至多不復繁引學者可以
理解此論含糊不決固不足舉聊為本論考證記以資
課故王機微義引此論曰按此論積聚等屬臟部蓋分
氣血爾亦不必拘此然生瘕亦有外因而成者如昔之

徐之才治取蛤精疾生於足間者若此陳於三因何不
之及又曰積者實停蓄之總名瘕者有所成而名之亦
皆積爾瘕者血病也似不可言為聚聚者陽氣也然大
小腸移熱為瘕如此則亦聚爾但前人施治亦未見有
分其異同者此知瘕積之為一而不知瘕聚亦為一反
為瘕血病等說元由不透達文字故也瘕瘕即積聚之
異名耳凡不知此意者皆空就之取斷矣
又如張從政用吐下法治積此大虛妄尤不可信也此乃

暴痰滯食。在腸胃中者。而後可用是法耳。夫積者。腸胃外
 硬物。隔一層皮膜。雖使用藥峻攻強擊。豈有腸胃外久漸
 結堅。積癥破穿皮膜。入來腸胃內。上吐出。而下瀉出之理
 乎。不思甚矣。善哉朱震亨云。凡積不可用下藥。徒損真氣。
 病亦不去。予每謂從政之書。甚可疑矣。恐欲過褒從政。矯
 激以釀其罪惡耳。如其書說。則必是所治一人。而所殺十
 人也。猶角觝夫。談勝不言負也。後人偽撰。亦猶黃承昊作
 薛氏醫案。反愚薛已也。

詳見儒門事親薛氏醫案

又如張元素云。養正積自除。此亦固非治積法。乃是今時
 醫流。每臨病人。不議去疾。而動輒專一唱言大補元氣之
 意也。非關治積事也。無用之言耳。

見證治準繩

况乎其他醫流。所著方書。皆是勦說雷同。蹈襲舊論。無一
 述的切正當。深詣親造之實論。

張介賓曰。凡堅鞭之積。必在腸胃之外。募原之間。原非

藥力所能猝至。○然此堅頑之積非用火攻終難消散故莫妙於灸余在燕都嘗治愈痞塊在左脇者數人則皆以灸法收功也此言較勝衆說猶且有用藥攻外之言又云然猶有不可按穴者如痞之最堅處或頭或尾或突或動處但察其脉絡所由者皆當按其處而通灸之火力所到則其堅聚之氣自然以漸解散有神化之妙也第灸痞之法非一次便能必效務須或彼或此擇其要者至再至三連次陸續灸之無有不愈者見景岳全書

此猶稍為彼善于此也若夫楊士瀛云挾水為癖挾血為癥見仁齋直指馮兆張云癥因傷食得之瘕因傷血得之痞因傷氣得之癖因積得之見錦囊秘錄俱是拘泥不足論也

又孫一奎舉汪子良說為能辨秦越人膠固難通者此亦調停強解無益之冗言也

詳見赤水玄珠文長不暇錄

後世又別立痞門若其為詳說則有之但恐不免喜多其

稱耳。痞固疝瘕聚之類。何可別立門乎。若上所論而足矣。况以痞滿痞塊立門乎。其誤甚矣。痞自是痞滿。自是滿元。非一事。何得併為一乎。且痞無塊。亦何得連稱痞塊乎。既有塊。則是瘕矣。固非痞也。痞者。唯謂自胸中至中脘。空氣鬱而不散。滯結為團耳。詳見于上。仁齋直指丹溪纂要古

以痞滿立門證治要訣以痞塞立門古今醫統以痞塊立門者尤非也

錄補戴思恭云。有正當積聚處。內熱如火。漸漸偏及四肢。一日數發。如此二三日。又愈。此不當攻其熱。見證治要訣

此間有之。事故表出焉。

凡其父母有此疾者。其子在襁褓。腹中既有塊物。况嬰孩之際。由瘕塊成。諸證者。比比而有。或有成奇證怪狀者。或有生出時。無何。異後。終成不完之軀者。為父母者。畏之。勿忽。諸執術者。亦不可不留心于此也。其餘如喘哮癩癩。多是父母之傳遺也。觀之。可以見也。

此處文字極其模糊，似有「積聚」等字樣，但難以辨認。

附字辨癥。即積之可徵者。積即癥。癥即積。但積元虛字。非

病名。大九累聚堆疊之萬品。皆可謂積。故今改稱癥。即積

之堅硬。按之應手。可徵知也。玉篇云。腹結病也。是也。癥即

聚聚。即癥亦猶積。與癥同也。癥假也。雖假成形。忽散去。無

所有。故謂癥也。由假有形。稱之耳。非全存形質不散。如癥

積一定不動也。聚亦虛字。非病名。大九會萃歸湊。萬彙皆

可謂聚。故今不用聚字。易之以癥。癥即疝也。故古多連稱

疝癥。素問又云。男子內結七疝。女子帶下癥聚。由是說文

于余醫言

附字辨

五十一

一本堂藏書

云。瘕。女病也。非也。不分男女。皆可稱瘕。故今皆改用疝。以其被誤多。岐也。瘕乎。加切。音遐。瘕亦積也。按字彙。正字通。並云。瘕。瘕。腹內積聚。康熙字典云。玉篇。食不消。增韻。瘕。瘕。腹積聚。皆非也。瘕。非瘕。瘕。非瘕。瘕。與瘕。一類。瘕。與疝。一類。瘕。古書混書。瘕。醫書注。為瘕。積。如腸瘕。是也。憶瘕。即瘕。積之。變通。故今斷為積。義。後世謂小兒積。專為瘕者。亦非也。古多連稱瘕。瘕。瘕。匹亦切。音僻。古今醫統云。瘕者。僻也。飲瘕。內傷脾胃。外無形迹。其人面黃肌瘦。四肢困乏。而精神悽悴。是也。又云。病在內。而不可以形狀求也。醫宗必讀。

云。內結于隱僻。外不可見也。萬病醫衡云。瘕。瘕者。懸掛偏僻之意也。此俱就隱僻偏僻。意為解。亦未得為全備也。瘕者。弦也。假為形狀。猶弓弦張也。腹內瘕聚。上下左右。牽引拘急。如筋如弦。故謂之瘕。此即疝也。正字通。康熙字典。並引六書。故瘕。積。弦。急也。是說為最近焉。字彙云。小腹下。

病。亦幾言疝。瘕。廣韻云。瘕。病非也。古今醫統云。瘕者。邊旁氣血凝於肌肉之間。而成瘕也。狀類痞塊之形。而尤見著者也。醫宗必讀云。皮厚也。在肌肉之間。而可見者也。此並眩皮厚。字訓。以為謂外面之凝聚。大非也。如是。則此結核瘕。癰瘡瘍之類。而非腹內之疾。何得連稱瘕。瘕乎。醫人之昧字義也。一至于茲矣。可笑哉。究竟瘕。瘕。亦猶連稱。積聚瘕。瘕之意。瘕。積。

于。余。醫言。附字辨。五十二。一才堂藏書。

癖是一類。瘕聚。疝是一類。連稱。瘕癖。不稱。瘕疝。亦猶不。謂陽陰火水。而謂陰陽水火。此乃古人連稱熟語耳。瘕。胡田切。音賢。瘕者。否也。即易否卦義。天地不交。閉塞。不行之意。凡自胸中。至心下。胃上。滯氣滿塞。不散。謂之瘕。但胃中瘕。覺心下鬱滿耳。至心下瘕。則有鞭者。雖鞭而非塊物。其滯氣滿塞。凝結。而鞭傷寒論云。瘕。鞭是也。又云。滿而不痛者。此為瘕。說文云。痛也。廣韻云。腹內結痛。並非也。正字通。康熙字典。並引增韻。氣隔不通。字典。又引徐鍇曰。病結也。

玉篇。腹內結病。可以見也。後世稱瘕塊。別立瘕塊門者。今古

醫甚非也。但瘕做虛字用。則可相通用。如素問稱否是也。

專為病名。則以氣瘕為主可也。又按劉煦釋名云。臑否也。

氣否結也。考諸字書。並無臑字。可疑。○又李仲梓云。瘕。精

也。瘕。遐也。歷年遐遠之謂也。積跡也。挾痰血而成形跡。聚緒也。依元氣以為端緒。瘕癖者。懸絕隱僻。又玄妙莫測之名。又云。瘕與瘕。癖乃胸膈間之候。積與聚為肚腹內之疾。因屬上中二焦之故。多見於男子。瘕與瘕。獨見於臍下。是

下焦之疾。故常得於婦人。見病機沙篆。又張三錫云。積者。跡也。腹中有形不移者是也。聚者。或濁氣叢聚。或上或下。聚散不常是也。瘕。癖者。玄絕隱僻。或隱或現。莫能以測是也。腹中有形可證。謂之瘕。假物而成。謂之瘕。皆濁氣痰血。

于徐醫言

附字辨

五十三

一本堂藏書

凝聚而成見醫學六要此甚僻說妄言不可不辨故附錄焉

婦人良方云痃者在腹內近臍左右有筋脉急痛如臂如指如弦之狀癖者僻在兩肋之間有時而痛

一本堂行餘醫言卷之二畢

